

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華南地方·第一七三號

據

清·蕭麟趾修，梅奕紹纂  
清乾隆十年年修  
民國廿三年鉛字重印本

影印

廣東省

# 普寧縣志



成文出版社有限公司印行

sk86/02



中華民國六十三年六月壹一版

# 普寧縣志

全冊

發行人：**黃成助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

# 序

志之爲書，所以紀載地方之文獻；使人稽檢過去，策勵將來，一覽知所奮勉。第時代推行，月異日新，必數十年纂修一次，庶幾人事變遷，詳贍可據；非可以牢抱陳編，一成不易者也。普寧分潮陽而設治，始於明世宗嘉靖四十三年，距今已有三百六十九年矣。韓頑梗，闢富源，興教育，蔚成禮義之邦，縣志昭示，斑斑可考，惜夫此項志書修至清乾隆朝而止；嘉慶以後，寂然無聞；兼以舊版殘缺，存書不過一二部，殆如鳳毛麟角！故居今日而言修志，洵爲當務之急矣。友文自僱調普，四月于茲，對於修志事宜，每與他方人士，磋商反覆，果爾開局籌修，目前財力時間，均不許可；祇以舊志存書，既已絕無僅有，萬一遺失，影響於一邑文化匪淺！乃決定由各區鄉鎮公所及公立學校集資認購，翻印舊志，求其輕而易舉。經與汕頭華僑印務公司訂約委印；並託旅汕同鄉會執委賴君子靜擔任校勘。翻印目的，無非保存舊志，以故不增不刪，廬山面目，依然存在。出版有日，爰弁數言於其端。蓋保存固有文獻，期不湮滅；而續志仔肩，留待後之賢者，斯則友文區區之意也。是爲序。

中華民國二十三年九月六日會友文於普寧縣政府

docsriver 文川网  
入驻商家 古籍书城

在文川网搜索古籍书城 获取更多电子书



# 序

志者所以通天下之志達萬國之情也自禹貢則壤已肇地里之志成周又有圖志之別圖掌於職方凡山川形勢土宇版章備焉志掌于小史內史凡風土事物語言習俗具焉復有土訓誦訓通圖志以詔於王蓋其時六合以內莫不各自爲方書以獻天府雖遠而荒服僻壤皆可按志而稽用能一道德同風俗致大順于天下志顧不綦重哉及司馬班范氏出創爲八書十志列傳諸體而郡縣諸志皆有所取衷持例發凡必類乎史以志與史本一也其屬類比詞綜古今該名實覈臧否示勸懲蓋幾幾非作史才未易語修志矣然後世郡縣雖各自爲志未嘗領於王官守土者視若不急之務往往托諸膚詞僅取飾觀其於世運之隆替政教之治忽可以昭示來許者多不深究甚且體裁不當義例無取苟且者失於陋摭拾者失於蕪余嘗爲作志者病焉癸亥冬余典潮郡普令尹蕭子子振以名進士懋良吏績入謁之暇談及志乘雅與余合其病夫普志之殘缺固陋亦與余病夫循故事作志者等也因其請修普志亟贊成之甲子仲秋將開館編纂余以任觀察事巡行旁郡馳驅省會旋又綜理鹺政不得親見其考訂筆削心常懸懸乙丑仲夏蕭子甫脫稿卽走使質於余余展卷披覽再四見其詳體輿而留心險塞考建置而注意規畫賦役學校教養有經職官選舉仕學取式人物藝文紀載核而勿誣風土事物蒐羅博而不蔓欣然曰是可以言志矣夫所貴於志者師於前而鑑於後也今此一編大綱有十細目八十有四於地則膏沃樂撫字之資險易昭疆理之道於人則賢宦垂任版之型名節著

民彝之範於時則今昔表風尚之殊前後紀流淳之異於事則措施探得失之源興別究利弊之藪求之作史之深意其義其指皆朗然若揭蕭子信有作史才而良吏之優於政事不卽於此露全豹之一斑也哉今

聖天子垂裳御宇萃風氣於八方合車書於萬國今志雖粵東一邑之書實以上昭

聖德之無不丕冒光天之下至於海隅山陬文物聲明猶且炳蔚以成黼黻則以彰一統之盛固與金匱瓊函比也豈尋常筆墨已哉是爲序

乾隆十年乙丑仲夏既望綜理兩粵釐政使者前惠灑嘉觀察長洲朱介圭書於羊城官署

# 序

道惡乎往而不存言惡乎存而不可自有紀載以來詩以道志書以道事禮以道行樂以道和易以道陰陽春秋以道名分而史則紀

朝廷之典章事實以昭示來許者也仿乎史而有志志者所以誌土俗山川風物人才以爲世鑑曾于省總于郡詳于州邑古稱野史良有以也夫邑令握百里之筦鑰控六典之權輿掄秀賓賢則元宰之銓鏡也導利平賦則農部之總紀也闡教洽神則宗伯之軌迹也疏捕重關則司馬之張皇也析律鋤奸則士師之詰禁也營繕疆理則共工之程度也令邑者若何而銓鏡昭也若何而總紀挈也若何而軌迹正也若何而張皇奮也若何而詰禁嚴程度密也是稽古服官探風敷政端賴一邑之志乘以集思而廣益耳嗚呼志之修也豈易易哉稽普寧縣志修於康熙丁卯年遠事遷其間應釐正補輯者固已不少且於雍正十年割潮邑之減水洋烏貴山都改隸普邑土田貢賦人物山川悉舊志所未載文獻所闕亟應修纂乾隆辛酉歲蕭君蒞邑余亦於是歲調守鳳城問政之餘蕭君以修志自任商於余余善其舉大嘉許之於是蕭君周咨紳士博詢父老葺殘訂訛刪浮徵實彼疆域區圖兵農禮樂崇鄉賢表節孝文物之盛衰風俗之嗜尚恤災捍患舉利剔奸皆蒐潮普舊乘而輯新裁無不至周極備越乙丑五月而志帙成是志也匪特備耳目之觀爲今昔之鑑亦見數載留心土地人民政事如此也自有此志而後之令是邑者將見銓鏡易昭也總紀易挈也軌迹易正也張皇易奮也詰禁易嚴也程度易密也故曰道惡乎往而



不存言惡乎存而不可也將以爲一邑之乘志也可以爲一代之信史也亦無不可是爲  
序

乾隆十年乙丑仲夏下浣中憲大夫知廣州府事長白金允彝撰

# 序

郡邑之有志紀疆域山川風土政事人物所以備采風問俗者之考證此天下之所同也而疆域之延袤山川之形勢風土之異宜政事之得失人物之賢否郡邑實各有不同焉郡志其總邑志惟專專則易信信則可傳使主事與執事者詳略輕重稍失其宜疑信是非或參以臆則操筆之誤且於郡志有關其何以信於今而傳於後哉於戲難矣惟今令普寧蕭君具治人論世之識考班馬異同之源誠爲史館良才於修邑志也何有余奉

命來守斯郡責兼採訪值蕭君游泐之餘有心珥筆引今據古修志告成示商於予予公暇細閱見其條例詳明實有補於郡志所不逮由是知其爲良吏之才予厚幸矣夫普邑建自前明嘉靖甲子閱四十七年神宗庚戌前令普邑者桐城阮君以臨始爲創緝志略又七十七年康熙丁卯知縣事六安汪君浴日乃纂修成志距今五十九年蕭君慨然興修復之志其中事蹟紀載或燬於兵燹傷於蟲蠹流傳摭拾不無訛舛掛漏蕭君悉爲釐正增補之創於阮而成於汪蕭君則踵其事而臻於美備蒐羅綿繇可法可傳皆編入靡遺既無忘始事之心又克成前人之美不亦炳然良史意歟且修普志於今日更有難焉者自雍正十年奉割潮邑減水洋烏貴山三都內一十四畝隸普邑凡土田貢賦前志所無諸多參錯者今皆分釐合訂聯貫於全志之中一無譌舛缺略分卷十分志亦十分目計八十又四綱目昭著條理瞭如於斯益信其爲良史也至於表大忠於守臣揚全節於巾幗即一行一言必求其信一勇一藝必核其情均足廣文獻之徵實可爲勸懲之助而詳與

制於參稽闡幽光於空谷尤不失古良史之誠中以此信今而傳後尙何遺憾哉夫豈獨  
疆域山川風土政事人物得以備考證者之採風而問俗亦且將以所不同者起而證天  
下之同謂君無媿古良史也謹曰不然  
告

乾隆十年歲在乙丑天中月下澣

特授潮州府知府加三級金陵許龍章撰

# 序

普寧巖邑也建於明嘉靖四十三年自我

朝重熙累洽鼓吹休明其山川人物草木土田效靈獻瑞足登志乘藏石室爲百代掌故者何可勝道惜舊誌因陋就簡多所遺落非有道能文者起而修之則一邑之紀載不詳一邑之紀載不詳卽粵東之紀載不詳卽方輿之紀載不詳事以文傳文以人信循名責實豈易事歟蕭君子振以東魯名儒來守斯土網羅敢軼綱舉目張不數月而一邑之士字版章煥然忽旋其面目誌成問序於余嗟乎余何序哉昔太冲作三都賦因皇甫士安而名顯夫士安能傳三都賦三都賦自不朽耳司馬封禪書出不聞問序於李陵歐陽職方論成不見乞言於蘇子曰星麗天江河萬古浩渺無涯崢嶸奇特之文章與五岳四瀆並流峙於上天下地序之有與無於文之傳不傳爲何如也今觀此誌幅輒詳於疆輿稅課覈於賦役其與疆輿賦役相頡頏者則事物志也夏書禹貢其簡核庶幾近之職官建置彷彿周禮學校選舉規模王制紀人物則褒德而錄賢誌藝文則旁搜而遠糴若夫風土六條視杜氏之通典鄭氏之通志烏氏之通攷氣韻爲稍殊焉而瑜亮同工要皆藝林之盛軌也夫抱殘守缺往往略而不傳傳之而不得其實或沿其事而異其人襲其名而非其地聲明文物不能顯微而闡幽動植飛潛流於齊諧之志怪是非不公取舍差謬者讀蕭君之誌其亦可以



## 自叙

邑之有志昉於周官古者邦國各自爲史綜一方土地之表廣人物之興衰政事之得失筆之於書以達於王小史掌之故廟堂之上周知天下疆里遠近凡山川土田版籍貢賦氣候風俗吏治人文皆瞭然可按册而稽自邦國變爲郡縣而史亦變爲志有一邑卽有一志雖極負山阻海僻壤荒區皆未有略於記載也然要取其典而核直而有體以無違作史之真乃可以傳信而垂於後普邑建自前明本分潮邑三都地未幾潮人之強有力者假丈田溢賦之說詭奪其二所存僅一都三社其足供載筆者幾何故桐城阮君以臨創緝邑志而名曰略言普非完普志亦非完志也至康熙丁卯六安汪君落日纂修邑志復苟且粗就僅有二册而謬舛者復十之三考其時奉

俞旨纂修一統全志廣蒐各省邑乘郡檄星催汪君亦刻期竣事大約如案牘之取足完結而已實未嘗廣爲採擇細加考訂故仍留疎略不備之憾以至於今歲辛酉余膺

簡命知邑事公退之餘詢及志乘初得汪君所修一帙見其間多所缺略最後得阮君續略又係抄本年久漶漫既恐從前文獻漸就湮沒復念今日土地自雍正十年奉

旨割減水貴山洋烏三都一十四畝改隸普治而又沐

國家重熙累洽之化百有餘年山川能靈土田既沃風俗歸醇人文日起則邑志之宜加編摩余不能不任其責特以余先從士民請築培風塔建崑岡書院日事興作未暇兼營故遲之又久至甲子秋邑紳士復環請修志願襄盛舉爰於乙丑仲春開局編纂出已意爲

草創定爲十志卷亦如之每志復分則若干定爲八十四則先按則撫拾成帙然後去取剪裁一惟徵信爲準以討論屬雲間太學何君衷煦暨邑進士方君嘉發等正訛釐舛無漏無溢以修飾屬維揚候選州司馬梅君奕紹暨邑孝廉方君洪學等芟繁飾陋不蔓不支總歸原巴淪長邑孝廉陳君元德爲之潤色枋從雅馴至於廣搜博採逸事遺文無不備具則邑紳士均與有力焉每一志成諸君子校訂再四余亦參以已見綴弁言於各卷之前旋即付梓人剞劂至仲夏上旬志事將竣邑紳士請余序於卷首余方仰藉

列憲鴻文以爲斯志重何敢謬作糠粃顧余亦不能無言蓋志史之流也作史難作志亦不易他姑不具論卽如桐城阮君能事創紉而草昧之初一隅荒壤欲不寡陋不可得則地能限之而使之略汪君亦以經術節吏治卓卓有政聲可以纂修矣而適當爲期迫促之會急不可待不暇致詳則時能限之而使之略且譌是前兩志者皆非兩君初意也兩君將待人以爲之補助設非余與諸君子纂修於後則兩君又限於人而遺憾將無窮矣今幸綱具目張條分縷晰語疆域則山川爲之改觀言規制則城郭爲之生色土田貢賦物產維殷學校官師政教兼備因知鍾毓有自芳軌備著典型以至著作相傳嘉言聿追風雅雖不敢謂長吏載筆同於柱下秋陽而邑里圖書或可附諸方策以供小史之掌以備太史之採是則余之厚幸也夫

乾隆十年歲次乙丑仲夏既望普邑長發于蕭麟趾子振甫書

## 普寧縣志後序

昔昌黎韓子有良史才而不作史謂持論不正衡品不公卽羅人非鬼責之謹今之郡邑志猶古列國之史也豈易搦管爲哉猶憶歲在壬子蜀中開館修省志羣材畢集每見名宦鄉賢人物列傳多瞻顧拘牽未易伸紙卽書及一傳成托於微言大義觀者亦以爲婉而多風曲而有直體焉於是益有味乎韓子之言也爰于蕭邑侯蒞普四載政績茂著感普志之殘缺循士民請重加纂修乙丑春仲走使屬同事筆墨顧念持論衡品之難譴陋迂疎胡克肩此使者再三強曰作志大體侯已有成竹矣是非筆削侯自任之特以比事屬辭兼採衆長且明府固籍於普從前之山川人物去今奚若近日之風土俗尙較昔何如宜亦留心有素今方刪訛徵信輯漏補殘一邑文獻所關士夫靡不左右襄事明府亦惡能諉爲異人任也既不獲辭橐筆隨使者往至則規模果已大具定十志爲綱領列八十四則爲條目搜軼事于青緗訪流聞于白髮故家喬木盡出藏編郊野輿畝兼傳昔諺又得雜揚梅君雲間何君兩名士爲之分編而邑紳如同年友方君嘉發暨方君洪學蘇君箕斗許君興讓李君成琳前後討論校訂爰按則先呈其略侯細加勘定親爲去取乃潤色而登諸梓日承緒論每一卷終輒爲快意者久之蓋侯之筆削嚴而是非當垂法則於典章則片言不假無激勸于褒獎則細行不遺其于各卷之前弁以要言皆有精義以求諸韓子所謂持論正而衡品公者殆毫髮無遺憾焉夫言爲心之聲文爲行之表侯之治普綱舉目張與作志之體裁同其政事以簡馭繁而歸於靜正其撫綏以嚴和愆而衷于大公亦與一筆一削之不偏不私者同是今日之編摩固以治普者志普



並使後來之觀感卽取志普者而言以治普也此志之成夫豈非普之幸哉事已竣例得列名  
因拜手而書於卷末

乾隆十年乙丑季夏朔西蜀巴渝長邑人陳元德撰

docsriver 文川网  
入驻商家 古籍书城

在文川网搜索古籍书城 获取更多电子书

監定

兵部尚書兼都察院 都御史總督廣東廣西等處地方兼理糧餉加三級紀

兵部尚書兼都察院右都御史兩廣總督調任浙閩總督世襲雲騎尉馬爾泰

兵部尚書兼都察院右都御史總督廣東廣西等處地方軍務兼理糧餉世襲雲騎尉加二級紀錄二十次那

上駟院卿巡撫廣東 務兼理糧餉都察院右副都御史加一級準 泰

提督廣東肇高等處學政翰林院編修加一級金洪銓

日講官起居注提督廣東廣韶等處學政左春坊左諭德翰林院修撰加二級梁文山

提督廣東廣韶等處學政翰林院編修加三級夏之春

廣東等處承宣布政使陞任廣西巡撫都察院世襲雲騎尉託庸

廣東等處承宣布政使司布政使加一級納敏

廣東等處提刑按察使司按察使紀錄四次張嗣昌

分守廣東糧驛道管通省民屯錢糧料價水利按察使司副使加三級紀錄一次朱閑聖

兩廣都轉運鹽使司鹽法道加三級紀錄三次又軍功紀錄一次朱介圭

廣東分巡惠潮嘉兵備道按察使司副使加三級紀錄三次楊國棟

護理廣東惠潮嘉兵備道印務惠州府知府加五級紀錄五次謝王生

廣東潮州府知府加三級紀錄六次許龍章

署兩廣鹽運同知事廉州府同知今陞高州府知府加三級軍功紀錄一次劉重

粵閩南澳海防軍民同知加三級紀錄三次左

廣東通志 卷之百 姓氏 汕頭華僑印務公司承印

廣東潮州府海防兼清軍同知加三級施國佐

廣東潮州府糧通判加三級蔣仙機

纂修

廣東潮州府普寧縣知縣加二級紀錄三次蕭麟趾

同修

原任四川重慶府巴縣知縣陳元德

分編

候選州同知梅奕紹

太學同知何衷煦

普寧縣儒學教諭鄭聯元

吏部觀政內辰科進士現選知縣方嘉發

戊午科舉舉人方洪學

甲子科舉舉人李成琳

改訂

普寧縣儒學訓導陳世科

戊午科舉舉人張夢說

戊午科舉舉人許興讓

甲子科舉舉人蘇箕斗

貢子科舉舉人方廷標

察

參校

署

普寧

縣典

史事

潮陽

縣吉

安司

巡檢

姚錫榮

署

普寧

縣

雲

落

司

巡

檢

章國棟

署

普寧

縣

落

司

巡

檢

王國英

原

任

盧

州

衛

糧

運

州

備張中札

候

選

州

衛

糧

運

州

同方廷達

辛

西

科

舉

人

方士昌

周朝鳳

人

張開茂

甲

子

科

舉

人

王兆文

生

李之溶

生

監

監

監

監

監

監

監

生

王學庠

監

監

監

監

監

監

監

生

吳廷茂

監

監

監

監

監

監

監

生

陳循仁

監

監

監

監

監

監

監

生

李良佐

監

監

監

監

監

監

監

生

陳德耀

監

監

監

監

監

監

監

員

藍元香

吏

搜逸

吏

搜逸

吏

搜逸

吏

搜逸

搜逸

搜逸

搜逸

搜逸

搜逸

搜逸

姓氏

汕頭華僑印務公司承印

約

禮

辦事

正 廖復古

正 謝勳敏

書 蔡烈

明中憲大夫太僕寺少卿新會何熊祥

普寧者潮陽之西鄉也鄉故無縣縣之自嘉靖甲子始縣故無志志之自邑侯阮公始不直曰志而曰志畧公所自名則潤澤有待之旨也公之言曰普之始基奉詔析潮陽洋烏泮水黃坑三都云迨辛巳履畝以黃坑一都足縣額而洋烏泮水非我版圖矣其析之也奉詔而其歸之也不聞有詔人臣分義謂何夫裂鄉而縣所以字小民而防叵測慮至周也曩爾黃坑地不益毛一縣供億此焉倚辦物力誦矣民亦奚賴之與有今洋烏泮水幸無事耳設風塵有警嘯聚如異時將責諸潮乎責諸普乎潮爲長鞭之不及普爲委轡之不御蔽盜容奸咎將誰執不于昔人之意大刺謬乎夫縣不虛立民不虛附地不足以集衆則不舉焉不得已而應遷卽費非所惜也普自草昧三遷而至此地非不綦慎矣然而地窪城卑居然水鄉一遇雨集萬山建瓴而下城不浸者三板耳城卽可高地不可高民無寧居城于何有往郭司馬守潮爲普相士得安仁可遷遂巡未果不佞于新坪得高土厚水深容民集衆此爲樂地雖民不可與慮始哉而暫費久寧知者宜辯此矣是故復故宇卜新構皆議之不再計者庸知無得請日乎苟四履可復式廓可新培固陋而文明之普爲完普將志爲完志然則今斯之役無乃爲之嚆矢故曰此其大畧也若夫澤潤則在異日斯吾名志意耳會公以推擇來視邑象示余志而屬之序余惟凡志之作飾未備者易創未有者難公以畧繫志雖謙于紀載未備而草創之難較備者百倍矣夫新造之邦如鴻蒙方剖人文未盛安所得鉅麗而稱之要以紀實傳信寧質母浮有所借箸鮮不中窳斯于證今義而備法戒已稱彬彬豈必鉅麗乃爲大全哉故四履之復式廓之新吾不知異日何如惟是異日潤澤不能不資今日草創蓋公規久遠直任其難而以易者遺所不知何人充斯心也天下事何不可任彼傳舍其業秦越其民者于公此舉不大逕庭乎哉公字里具志中佐公議而載筆者黃學諭秉中其採摭分校者則諸生方紹伯張登麟等也

明儒學教諭橋李黃秉中

考之潮陽之志述訪諸故老之遺聞皆無有能畧其梗概者顧開建四十餘年理道之分曹歲久習尚之漸摩  
 甚深寧無鳴琴張瑟之踵躅也者寧無舉髦振鷺之充廷也者又寧無舉趾貨殖之闡聚也者噫莫爲之前考  
 質無從莫爲之後侈譚無證此志之所由重也然志非能自重以志志者而重也蒞此土者或操割控德整頓  
 之難則不暇志或阻撓牽制直筆之難則不敢志今國家屢輯金匱之緘徵求掌故風採異聞夫亦所以潤色  
 鴻業信今而傳後也哉以是知彈丸小乘似與方輿宏覽殊致而藏之猶足以備顧問阮令君械樸作人絲分  
 案牘嘗以其所暇行其所敢迺藉手於不佞銓次之不佞謀野弗獲謀邑則否三讓復三委焉於是歛衽歎曰  
 布聞澤而惠蒼生者司牧之事也按疆土而衡記載者司牧之任也帥弟子而橫講藝者司牧之責也採典故  
 而成家言者司教之業也憑胸臆而臨時事者又司教之愷也仰承邑大夫之指授皇皇蒐往剔今因陋就簡  
 大都集於已然葺於同然弗以尋繹無端而叢襲弗以疑似互淆而軒輊弗以質實未定而罔羅雖其遺緒傳  
 聞於藹莫編摩無當於該洽然一隅可知形勢之來歷一善可備循良之鑒觀節孝戶口風俗古蹟文章或畧  
 或詳而勸懲具足越五月而絕韋策十卷而成帙庶慰阮令君之雅意也哉抑不佞因是而竊獲夫多助之益  
 也据據則有方生紹伯張生登麟綜綴則有余生晏方生萬邦張生天祐分校分門則有楊生公壽李生茂芳  
 張生南飛而陳君以在僚聿觀厥成襄克和衷友聲討論與其華而繁也寧俚與其卮而濫也寧固與其澁而  
 穢也寧汰如帝紀妃嬪坊表封廢名臣賢達忠直武材高行隱佚方技僊釋翰墨災祥叢談之類此數者古志  
 所不遺也而舊跡罕著月且無稽則置之而已矣蓋統邑以前多遼遼而難爲核割邑以還多踟躕而難爲有  
 孔子曰吾猶及史之闕文也况前無所考而漫焉托之論列是又不佞所謂裨謀草創而俟後之君子者也若  
 夫廢興係於大體去留關於世風致理切於氓庶必洞其弊孔酌以膚見至累言不恤屬垣是又不佞所謂權



宜區畫而俟後之君子者也倘其中憤恚於所感而言或過激枝分於所論而情或嫌別是又不佞所謂慮舟之觸赤子之錘而俟後之君子者也敢曰知我乎罪我者吾知其不免矣

明普寧令古皖阮以臨

或問於普寧令曰天下勢而已矣普之洋島泮水二都折而復爲潮陽也幾且三十年當事者付之罔聞後事者置之若棄未聞有聞言也乃今沈令昌言於先子復力持於後爭之虞其不得曾席未及援猶然勒成志畧欲以垂如線之緒是將以一髮引千鈞也則胡不揆諸勢乎夫以普之民與潮之民爭衆寡貧富不敵也以普之令與潮之令爭權力品格不敵也以數十年之已事而爭之於目前成毀久近不敵也則胡不揆諸勢乎令曰子不聞受牛羊而求牧與芻曾有立而視其死者與縣令牧民如醫視疾症候有標本治療有緩急乃普民之病革矣緩難圖矣夫潮之洋泮作弗靖當事者爲善後計益之以黃坑合洋泮而成一縣治條議以請名普寧是潮之割爲普也爲潮戍也郵普以厚其戍尤虞其弱奪洋泮而普之削也益甚是自決其藩也且潮之隸潮也向固未嘗作弗靖也二都攘而黃坑獨受其敵胡爲因此一都民耶當奉詔履敵時潮令闇於人矣英惑於豪強隱占者之口取廷議所字明旨所割之三都而強半攘之是兼併之謀明戶於長吏而隱占之陰入於豪右也狡啓而譎持之動曰黃都畝米於普寧已溢額矣夫予奪之柄自天子出臣下不得暗好焉令予也聽於朝奪也聽於邑此於分義何居乎且黃坑固誠溢額矣洋泮何遽無溢額耶屬之普寧隸科則利在國均派則紓在民普尙可以爲國相沿十九年而一旦攫之歲侵月削今普民千金之家十耗其九披圖而核實籍者不得二三會且胥而爲客戶矣隸卒輿皂盡他縣豪右之僮僕也磨之不去呼之不來漸成尾大不掉之患終亦必亡而已矣普亡而潮能保無事乎及乎嚮生叵測一旦天子垂清問以三都之割經有廷議奉有明旨今此兩都之還議者何人詔旨以何年降而復令盜賊紛起將數年上下朦朧之弊可勝置辯乎縱君門萬里天高聽遠此其孰不堪命之民累齒扶杖伏闕號呼請官復丈洋島泮水尙敢逆命乎夫始而割之繼而

普寧縣志卷之十一

雜序

明普寧令古皖阮以臨



奪之不信抗旨而強奪之不忠坐視普民之困而不知卹不仁弱普以自基不測之禍不智教者皆非所以立國長久之道也嗚呼凌弱暴寡衰世之風豪強兼併罰必無赦祖訓爛焉蟬小吏螳臂幾何爰托之志略以寄吾不得其職之隱痛且以俟後之君子謹跋

光祿大夫知廣東潮州府事秣陵林杭學

志也者志其人志其事志其地志其時如斯而已無者不能爲之增有者不能爲之減各書其實而勸懲旌別行乎其間此史氏之遺也秦以前無志有之自司馬子長氏後此史家皆依其例爲之而郡縣有志又以資史家之採取宏鉅細微悉備載之故其說易至於虛而不實自左邱明爲書已不能免後人浮夸之目而况其餘乎此所以修之者貴得其人也普寧縣有志始于明邑令阮君以臨阮君前四十年普猶隸潮陽地既無縣安有志既無志安有所謂其人其事其地其時考普寧原割潮陽洋烏減水黃坑二都而成縣治後洋減二都仍歸於潮其屬于普者惟黃坑一都存焉則其所謂縣其疆域人民財賦物產安能一一與雄鉅之邑較短長哉如是既不可增而飾之又不宜荒而鄙之亦曰吾無負普寧之實而止依人作傳據事直書任地成賦因時致警如斯而已矣斯固其人之責也於是令君汪君起而言曰落日不文然能道其實者其任志事唯謹越數月志成予聞之有富於心自予之亟亟於郡志也亦惟是以實不以文不敢增其所本無亦不敢減其所固有今汪君之志既存其實矣文者實之賓也普雖小導之以勸懲行之以旌別而文不可勝用矣因爲之序

知普寧縣事古參汪濤日

余庚申冬典牧斯土卑車戾止觀城郭傾圮閭閻蕭索官舍民居廢壞幾盡哀我人斯曷克堪此矢志撫循教養休息冀圖漸復元氣凡有設施必取前吏之廉能者而折衷之求其坐而言可以起而行者庶幾於昔人有合焉而猶懼其弗逮也今奉纂修一統全志廣蒐各省邑乘此誠一道同風之至治願余自惟一行作吏簿書是亟詞令未遑况前志曰畧余亦何敢自謂能詳但阮公之編摩猶存父老之傳聞可探則前事者後事之師

於退公之暇而修輯之亦云無曠厥職而已故邑乘之

曰紀山水而必圖其形勝者取其無分

曰譜世家而必紀其姓字者取其

也非曰錄菁華而必標其藝

民生有裨于國計也若夫學校爲人

政事之徵與凡貢賦祀享之規求賢

約志之不可闕者祇期搜羅靡遺採訪得實方敢補入其一切鋪張繁詞矯飾夸論既未協乎輿情奚可垂之奕世概置不載猶前此之寧略毋詳也倘後之吏斯土者能以催科寓於撫字明允行其鞠訊徭役輕而供億省豪強戢而奸宄消是誠足以仰副一道同風之治而共諒余輯乘之意也夫

諭普寧縣儒熙安彭浩元

普自分設以來越百二十餘載凡所爲山川戶口田賦城郭宮室官師人材祀典物產諸事當有應相傳述垂鑑而可永奕禩者明神宗三十有八年古皖阮公愷於退食之暇慨然嘆邑乘之攸關綦重且大何前此獨無聞焉緣普昔爲藪盜之區俗鄙習悍未易漸摩觀革公力任之不以草昧初闢偏陋狹小而弗爲之事纂葺也志成曰畧意固有在播傳歷久會遇時變板墟軼遺每憶輯著之苦衷則洵有足稱者庚申冬古蓼汪公承理斯土時際恢復之餘哀鴻甫集蒿目所及疚心實多公則漸次整頓而釐剔之開誠佈公補偏救敝絕不以煩擾苦斯民普之蒙簡靜休息之福者逾數載矣不佞後先屢止公于撫字催科而外百凡事務不廢公不病民爲人所不肯爲能人所不可能時時以撙節愛養之念寓于其中其見之切而知之悉者固未有不佞若也今乃奉檄輯乘責程嚴迫惟公亦力任之撫鏡拾今分條晰縷裁筆從事無俟假手而刻期告成既足以備觀而徵實又奚難於勳世而振俗也哉爰命之曰志也可仍命之曰畧也可公之斯舉大有合於阮公之初意矣夫



凡例

嘗寧建縣于嘉靖甲子閱四十七年萬歷庚戌知縣事桐城阮君以臨始創緝志畧又七十七年康熙丁卯知縣事六安汪君溶日纂修成志距今五十九年事蹟紀傳業經編載者悉仍其舊然其中流傳不無訛舛世拾亦多掛漏今悉爲釐正增補以成前人之美

一志畧作于阮君職編纂者學諳黃秉中也其時一都三社緒罔爲蕤弗獲該洽而蒐剔網羅已有十卷分門三十有五綿蕪皆其實普志之嚆矢其後汪君修志以編纂屬前主事林萬胄多所刪削而志畧舊板燬於兵燹亦無有存者僅據禮書蔡列呈有抄本雖魯魚亥豕訛舛滿紙而可法可傳者亦復不少今更編入以無忘始創者之苦心

一自丁卯年後事蹟紀傳應編入者必按據確實方爲記載說無敢贊美有兼收總期足以信今乃可垂後山川待人而靈風會乘時而美草昧文明今昔改觀自無庸拘泥前志今合境內諸山水總爲之說復摘其佳者臚列以表形勝

一自粵牛女之分詳于班史故自省而郡而邑凡志皆首星野而主牛女獨前志不載且以爲無裨實事是並不知周官有星上之辨矣今特爲補入惟潮專屬牽牛惠專屬須女疑近于臆不敢從

一舊志不紀潮汐以普不瀕于海也然水磨東洋東華等水環城而流者無不與潮通水道屈曲紆折其淺深廣狹又皆以潮之進退消長爲準雖欲不紀得乎今故爲補載以備稽考

一汪志以建置概疆輿若山川城池本在疆輿之中及公署寺廟本在建置中者又別爲一卷未免條目未清今分疆輿爲一志其目十有二曰輿圖星野疆域山川城池街路都鄙鄉寨墟市津梁水利潮汐分建置爲一志其目有八曰公署倉儲廟祠壇壝營防要隘驛舖寺觀使各以類從開卷瞭然

一汪志輿圖僅二方幅且草草數筆令人按圖茫然因陋就簡莫此爲甚今以縣境總圖銳圖爲之綱而分四

廟爲四圍雲落一司爲一圖復以自城及鄉諸名勝列圖二十有四爲之目非以飾美觀也蓋欲使編輯之遠近令覽者一展卷如在目前則此圖非泛設云爾

一學校多人營建祠祀各志非所以重其典也汪志另立一卷爲是今仍之而更分廟制秩祀典禮考較義學學田六目以詳其事

一邑志雖僅志一邑實卽古間史也予奪褒貶與史同三代直道無敢毀譽不爾則不如無作汪志疎畧之處甚多姑不具論卽如前明邑令朱統翊討賊陣沒贈太僕寺少卿而訛作光祿寺卿士竊黃鼎襲城而訛作黃鼎教讀山鄉生員李如夢以爭填賂縣欲置之死合鄉保結得脫鼎因切齒誓報一似爲黃鼎出脫者甚至國朝邑令段漢當逆鎮劉進忠之叛威逼潮郡十一縣割辦繳印段令守大節不爲所污懷印走五羊乞平藩發師致討後陸惠潮觀察汪志不惟不入名宦且並若惡聞其姓名而稱爲續至者令人披覽竟不知續至者三字何所指及再三博訪乃知段爲觀察嘗揭惠來令張某張與汪君有舊且能文志成質于張遂刪抹而沒其名汪君亦若不知則志如無志矣今一一爲改正非敢貴前人然正不得不爲前人補過也

一雍正十年奉割減水一都八區貴山半都五區洋島都尾一區改隸普寧其山川土田人物貢賦皆前志所無者今依例編纂無鋪張無溢美歸於簡潔整嚴

一人物一志首德行而後文章向來一概臚列殊無分別今爲分目有十豈曰于此寓軒輊安使此邦人士知一德一行皆得記載而爭自濯磨則爲激勸不小矣至于婦人全節尤當獎勵故備載惟恐或遺

一立傳必徵實無敢溢美以示信也至于現在之人則從不立傳蓋晚節每有不保蓋棺乃論定耳然間有東髮墓至墓本已拱而樂善且猶不倦及今不傳將于何俟子曰如有所譽者其有所試矣故據事直書而不嫌于簡

一設官分職稱其職者皆足垂範向但載一二邑令下此無聞焉今博加稽考若司鐸若駐防若尉若巡得其

docsriver 文川网  
入驻商家 古籍书城

在文川网搜索古籍书城 获取更多电子书

文教武功佐治宣猷卓卓可稱者悉爲補入

一人無論尊卑能舍生取義則見許于聖賢故魯童子執干戈以衛社稷孔子稱之普邑當明季寇亂叠起有挺身爲上守士而視死如歸者有奮力爲上殺賊而蹈刃不顧者向皆畧而不錄今悉爲立傳以表毅勇  
一 關籟之世野無留良故百年之中不聞有談集許者然遐溯往代間有肥遯無聞甘于埋芳空谷昔人西山薇蕨之風胡可沒也

一 大善由小善而積也里閭緩急相周雖惠僅升斗施等盡餐然任恤居六行之次三物之書周官不遺又况若捐貲義賑見旌于列憲者今皆據事直書附于尙義之列

一文典獻並重紀政事論風俗備山川人物之徵詳典章制度之準欲資參稽以究得失非文無所助然必有關於邑事者乃爲纂入恐致誦于策輒也至于詩賦韻語亦擇其佳什附于末則又輶軒之採所不遺者  
一 普志分卷有十分志亦有十每志復分日爲數冊計日八十有四則每志之首各綴弁言以明所志之由且爲此數則者聯其屬庶幾稱完備云

一 是役肇始于甲子仲夏紳士人民踴躍贊襄爰聘賢達才開館濫筆歷裘葛一更至乙丑仲夏月上旬方始落筆旋脫稿旋付梓人劊劊之工亦于仲夏中旬竣事麟趾公餘之暇正譌補漏每卷以已意爲草創頗具苦心至蒐輯勛訂歸于潤色諸君子之功不敢沒各列姓氏于首以彰盛舉



